

Na osnovu člana 11. stav 3. Zakona o zaštiti ličnih podataka BiH („Sl. glasnik BiH, broj: 49/06,76/11 i 89/11), člana 29. tačka a), a u vezi sa članom 83. stav 3. Statuta KJKP „Sarajevogas“ d.o.o. Sarajevo broj: 010101-01-2540/16 od 05.10.2016. godine, člana 22. Poslovnika o radu Nadzornog odbora broj: 2002/10 od dana 24.08.2010. godine, člana 23. Pravilnika o provođenju Zakona o zaštiti ličnih podataka u KJKP „Sarajevogas“ d.o.o. Sarajevo broj: 010101-02-3260/16 od dana 24.12.2016. godine, Nadzorni odbor na prijedlog Uprave Preduzeća, na sjednici održanoj dana 24.07.2017.godine, donio je

P R A V I L N I K
o izmjenama Pravilnika o provođenju Zakona o zaštiti ličnih podataka u KJKP
“Sarajevogas“ d.o.o.Sarajevo

Član 1.

U Pravilniku o provođenju Zakona o zaštiti ličnih podataka u KJKP „Sarajevogas“ d.o.o. Sarajevo broj: 010101-02-3260/16 od dana 24.12.2016. godine (u daljem tekstu: Pravilnik) član 3. mijenja se i glasi:

“Član 3.
(Zbirke ličnih podataka)

Preduzeće vodi sljedeće evidencije (zbirke) ličnih podataka:

- a) Evidenciju o bivšim i sadašnjim radnicima u Preduzeću na osnovu važećih zakonskih i podzakonskih propisa propisa, kolektivnih ugovora i Pravilnika o radu Preduzeća;
- b) Evidenciju o obračunu i isplatama plaća i naknada plaća radnicima Preduzeća na osnovu važećih zakonskih propisa, te Pravilnika o platama i Pravilnika o radu Preduzeća;
- c) Evidenciju o obračunu i isplatama naknada članovima organa Preduzeća, komisijama i osobama angažovanim po drugim osnovama, a na osnovu važećih zakonskih propisa;
- d) Evidenciju o kupcima prirodnog gasa/korisnicima usluga na osnovu zaključenih ugovora o snabdijevanju prirodnim gasom;
- e) Evidenciju o tuženim dužnicima – fizičkim licima;
- f) Evidenciju o obradi ličnih podataka snimljenih putem sistema video nadzora na osnovu Zakona o agencijama i unutrašnjim službama za zaštitu ljudi i imovine i podzakonskih akata koji regulišu ovu oblast;
- g) Evidenciju o obradi ličnih podataka lica koja posjećuju službene prostorije Preduzeća, a nisu radnici Preduzeća.
- h) Evidenciju o obradi ličnih podataka radnika Preduzeća u svrhu elektronske registracije radnog vremena;
- i) Evidenciju o radnicima koji obavljaju poslove fizičke i tehničke zaštite, periodičnoj provjeri gađanja vatrenim oružjem, psiho-fizičkoj sposobnosti i stručnoj obuci istih;
- j) Evidenciju o periodičnim ljekarskim pregledima radnika raspoređenih na radna mjesta sa posebnim uslovima rada;
- k) Evidenciju o obradi ličnih podataka snimljenih putem sistema audio zapisa telefonskog razgovora;
- l) Evidenciju o intervencijama kod kupaca prirodnog gasa;
- m) Evidenciju o osobama koje za Preduzeće obavljaju rad a nisu u radnom odnosu.“

Član 2.

Član 4. Pravilnika mijenja se i glasi:

“Član 4.
(Svrha obrade ličnih podataka)

Preduzeće prikuplja i obrađuje lične podatke u svrhu obavljanja svoje djelatnosti u mjeri i obimu koji je regulisan važećim propisima.

Prikupljeni lični podaci se po potrebi ažuriraju kako bi se obezbjedila njihova tačnost.

Lični podaci se čuvaju u formi koja je najpogodnija za svrhu za koju se prikupljaju i obrađuju.

Lični podaci se u Preduzeću obrađuju u sljedeće svrhe:

- a) Lični podaci u Evidenciji o bivšim i sadašnjim radnicima Preduzeća obrađuju se u svrhu regulisanja njihovog radno-pravnog statusa i prava i obaveza iz radnog odnosa.
- b) Lični podaci u Evidenciji o obračunu i isplatama plaća i naknada plaća radnicima Preduzeća obrađuju se u svrhu ostvarivanja prava iz radnog odnosa, a na osnovu važećih zakonskih i podzakonskih propisa, te drugih općih akata koji uređuju ovu oblast.
- c) Lični podaci u Evidenciji o obračunu i isplatama naknada članovima organa Preduzeća, komisijama i osobama angažovanim po drugim osnovama obrađuju se u svrhu ostvarivanja prava izvan radnog odnosa, a na osnovu važećih zakonskih i podzakonskih propisa, te drugih općih akata koji uređuju ovu oblast.
- d) Lični podaci u Evidenciji o kupcima prirodnog gasa/korisnicima usluga obrađuju se u svrhu regulisanja obligaciono-pravnog odnosa između Preduzeća kao prodavca i kupca prirodnog gasa.
- e) Lični podaci u Evidenciji o tuženim dužnicima – fizičkim licima obrađuju se u svrhu naplate njihovog duga putem suda, a na osnovu Zakona o obligacionim odnosima, Zakona o parničnom postupku, Zakona o izvršnom postupku i drugim važećim propisima. Navedena evidencija sadrži sljedeće lične podatke: ime i prezime dužnika, adresa, vrsta samostalne djelatnosti koju dužnik obavlja, datum tužbe, iznos duga i vremenski period na koji se dug odnosi, mjesto nastanka duga (potrošačko mjesto) ako to nije adresa dužnika na kojoj se nalazi, trenutni status sudskog predmeta, podaci o eventualnim uplatama glavnog duga i sporednih potraživanja i sl.
- f) Lični podaci u Evidenciji o obradi ličnih podataka snimljenih putem sistema video nadzora obrađuju se u svrhu obezbjeđenja dokaza o postupcima koje Preduzeće vodi u okviru svoje nadležnosti i ustupanja istih drugim nadležnim organima na osnovu Zakona o agencijama i unutrašnjim službama za zaštitu ljudi i imovine i podzakonskih akata koji regulišu ovu oblast.
- g) Lični podaci u Evidenciji o obradi ličnih podataka lica koja posjećuju službene prostorije Preduzeća, a nisu radnici Preduzeća, obrađuju se u svrhu kontrole ulazaka i izlazaka u/iz službenih prostorija Preduzeća.
- h) Lični podaci radnika Preduzeća u Evidenciji o obradi ličnih podataka radnika Preduzeća u svrhu elektronske registracije radnog vremena obrađuju se u svrhu utvrđivanja prisutnosti radnika na radu u skladu sa važećim propisima (Zakon o radu i Pravilnik nadležnog ministarstva FBiH);
- i) Podaci u Evidenciji o radnicima koji obavljaju poslove fizičke i tehničke zaštite, periodičnoj provjeri gađanja vatrenim oružjem, psiho-fizičkoj sposobnosti i stručnoj obuci istih obrađuju se u svrhu praćenja njihovog psihofizičkog stanja i stručne osposobljenosti u skladu sa važećim propisima;

- j) Lični podaci u Evidenciji o periodičnim ljekarskim pregledima radnika raspoređenih na radna mjesta sa posebnim uslovima rada, obavljaju se u svrhu zaštite njihovog zdravlja;
- k) Lični podaci u Evidenciji o obradi ličnih podataka snimljenih putem sistema audio zapisa telefonskog razgovora, obrađuju se u svrhu evidentiranja službene komunikacije stranaka sa nadležnim radnicima Preduzeća;
- l) Lični podaci u Evidenciji o intervencijama kod kupaca prirodnog gasa, obrađuju se u svrhu posjedovanja jedinstvene evidencije o izvršenim intervencijama;
- m) Lični podaci u Evidenciji o osobama koje za Preduzeće obavljaju rad a nisu u radnom odnosu, obrađuju se u cilju ostvarivanja prava izvan radnog odnosa u skladu sa važećim propisima.“

Član 3.

Član 5. Pravilnika mijenja se i glasi:

„Član 5.

Podatke u evidencijama (zbirkama) ličnih podataka iz člana 3. ovog Pravilnika, Preduzeće obrađuje u obimu koji je utvrđen propisima koji predstavljaju pravni osnov za vođenje ovih evidencija, a što će biti precizirano Planom sigurnosti ličnih podataka Preduzeća.“

Član 4.

Ovaj Pravilnik stupa na snagu istekom osam dana od dana objavljivanja na oglasnoj ploči, a objaviće se i na intranet mreži informacionog sistema Preduzeća.

Broj: 010101-02-2136/17

Datum: 25.07.2017.

PREDSJEDNIK
NADZORNOG ODBORA

Mr. Mrkonja Miralem dipl.ing.el.

Potvrda zakonitosti Pravilnika
od strane kvalifikovanog lica
pravne struke (član 19. ZJP F BiH):

Arifa Osmanović